

LA CONTA DI RAT GRESSAN (CRISTINA BERLIER)



Padze 1

Eun pasén dézò an CLLÉNDA, eun RAT l'è stracha-se la PI.

Padze 2

Lo rat va avouè lo CORDAGNÌ é lèi deui :

« Cordagnì, soplé, reménda-mé la pi que si stracha-me eun pasén dézò la cllénda ! ».

« Bién cheue ! » lèi repón lo cordagnì « Mi pe féye so n'i fata di CREUN ».

Padze 3

Lo rat va avouè lo GADEUN é lèi deui :

« Gadeun, soplé, bailla-mé de creun pe lo cordagnì ! ».

« Bién cheue ! » lèi repón lo gadeun « Mi pe féye so n'i fata de FAÈINA ».

Padze 4

Lo rat va avouè lo MELENÌ è lèi deui :

« Melenì, soplé, bailla-mé de faèina pe lo gadeun ! ».

« Bién cheue ! » lèi repón lo melenì « Mi pe féye so n'i fata de BLOU ! ».

Padze 5

Lo rat va i TSAN é lèi deui :

« Tsan de blou, soplé, bailla-mé de blou pe lo melenì ! ».

« Bién cheue ! » lèi repón lo tsan de blou « Mi pe féye so n'i fata de DREUDZE, pe féye crèitre lo blou ! ».

Padze 6

Lo rat va avouè la VATSE é lèi deui :

« Vatse , soplé, bailla-mé tchica de dreudze pe lo tsan de blou ! ».

« Bién cheue ! » lèi repón la vatse « Mi pe féye so n'i fata de FÉN ».

Padze 7

Lo rat va i PROU é lèi deui :

« Prou, soplé, bailla-mé de fén pe la vatse ! ».

« Bién cheue ! » lèi repón lo prou « Mi pe féye so n'i fata d'ÈVE pe féye crèitre l'erba ! ».

Padze 8

É lo rat va i REUI é lèi deui :

« Reui, soplé, bailla-mé tchica d'éve pe lo prou ! ».

Padze 9

Adón lo REUI baille d'ÉVE i RAT que la pourte i PROU ;

é lo PROU lèi baille de FÉN que lo rat pourte a la VATSE ;

é la VATSE lèi baille de DREUDZE que lo rat pourte i TSAN de blou ;

é lo TSAN de blou lèi baille de BLOU que lo rat pourte i MELENÌ ;

é lo MELENÌ lèi baille de FAÈINA que lo rat pourte i GADEUN ;

é lo GADEUN lèi baille de CREUN que lo rat pourte i CORDAGNÌ ;

é lo CORDAGNÌ lèi reménde la PI que lo rat l'é stracha-se eun pasén dézò la CLLÉENDA !